

gen biß zu dem Schwanz/ seynd etwas grösser dan die anderen/ werden  
 Stein-Brachsmän genant/ diß geschlecht wirdt insonderheit in dem  
 Gryssee gefangen/ das ander geschlecht hat keine rauche Däpfflein  
 oder Dörn/ seynd die gemeinen Brachsmän so man an allen Drihen  
 fangt/ in pfüächten Wasserren und Seen belustigen sich die Brachsmän  
 in dem Zürichsee/ werden sie allein in dem oberen theil gefangen  
 bey Steffen vnd Wänendorff herumb/ ohne zweiffel wegen des  
 Grundts vnd Bodens/ so weis vnd Lätcht ist/ dan solcher Grund würde  
 von ihnen begehrt/ in Polande soll einer vil deren Fischen in ein Weyer/  
 als ander Setzling geworffen haben/ als nun der Winter sehr kalt/ vnd  
 der Weyer ganz vberfrozen/ er auß begirdt der Fischen ein Mahl  
 anzurichten/ das Eys auffschrotten vnd den Weyer ledig ließ soll er ganz  
 keine Fisch gefunden haben/ ob er gleichwohl den Boden ganz vnd gar  
 mit grossem fleiß besuchen lassen/ auff den Frühling so gefolget/ sollen sie  
 all wider erscheinen seyn vnd sich erzeiget haben.

Die Brachsmän/ so sie merckend den auffsak/ vnd nachhalten von  
 den Hechten/ so schwämmend sie dem Grund vnd Lätt zu/ bewegen den  
 Lätt/ vnd betrüeben das Wasser hinder ihnen/ sich also vor dem Hecht  
 versicherende.

Der Goldbrachsmän soll sich den Sommer nicht sehenlassen/ weil  
 er die Hitz nicht leiden kan.

Col. lib. 16 cap. 63. Die lateiner nennen disen Fisch Prassinum  
 Prasicum oder Ciprinum, haben ein zimlich grob Fleisch/ darumb wer-  
 den sie zum meisten in den Rauch gehangen/ werden in den grossen Netzen  
 vnd hohen Reüschen gefangen/ dann er ist ein grosser breiter Fisch der  
 in kleine Reüschen nicht krüchet/ etliche wollen der Brachsmän vnd  
 Blieg ein Fisch seye.

Im Sommer wirdt er selten (meinert hie den Goldbrachsmän dann  
 bey dem vnseren Brachsmän hat es nicht die meinung) im Winter aber  
 heüffig vnder dem Eys gefangen/ da werden jhr offte mehr dann 100.  
 Fuoder auff ein mahl gefangen/ biswenlen fangt man 12. 18. 20. Jahr  
 kein einigen/ aber wann sie kommen so kommen sie heüffig/ das man jhr  
 genug in Rauch zuhengen hat/ im Winter ist er fet/ im Sommer mager 2c.

Von disen thut auch meldung meines beduuckens Iouius da er sagt/  
 Porro Aurata æstate raro, hieme autem frequentissime, capiuntur,